

ՊԱՐՍԱՄՅԱՆ ՍԵՂԱ
(ՀՅԹԻ)
ՄՇԱԿՈՒԹԱՅԻՆ ԺԱՌԱՆԳՈՒԹՅԱՆ ՈՉՆՉԱՅՈՒՄԸ ՈՐՊԵՍ
ՑԵՂԱՍՊԱՆՈՒԹՅԱՆ ԲԱՂԿԱՅՈՒՑԻՉ ՄԱՍ

Յեղասպանությունը որևէ էթնիկ, ռասայական կամ կրոնական խմբի ոչ միայն ֆիզիկական բնաջնջումն է, այլև նրա մշակութային ժառանգության (հոգևոր և նյութական արժեքների ամբողջություն) ոչնչացումը, քանի որ էթնոս կամ ժողովուրդը հասկացությունն առավել ամբողջական իմաստ և նկարագիր է ստանում իր ստեղծած մշակութային արժեքներով: Յուրաքանչյուր ժողովրդի մշակութային ժառանգությանն ուղղված ցանկացած ռմոծություն մարտահրավեր է նաև համամարդկային մշակութային ժառանգությանը, քանզի ցանկացած մշակույթ համաշխարհային քաղաքակրթության բաղկացուցիչ մաս է հանդիսանում: Ցանկացած խմբի գոյությունը կարող է հարցականի տակ դրվել, եթե այն զրկվում է իր մշակույթից, անգամ խմբի ֆիզիկական գոյության դեմ որևէ սպառնալիքի բացակայության պարագայում: Ինչպես իրավացիորեն նշում է անգլիացի հետազոտող Պամելա դե Կոնդապան, նյութական մշակույթի համակարգված և դիտավորյալ ոչնչացումը գալիս է վկայելու, որ տվյալ էթնիկ խումբը նման մշակութային գտնան մաս է կազմում¹:

Դեռևս 1944թ. քրեական և միջազգային իրավունքի մասնագետ Ռաֆայել Լեմկինը, շրջանառության մեջ դնելով «ցեղասպանություն» տերմինը, իր «Առանցքի տերությունների կառավարումը օկուպացված Եվրոպայում» աշխատության մեջ համադրելով հունարեն *genos* (ռասա կամ ցեղախումբ) և լատիներեն *cide* (սպանել) բառերը, կազմել է «գենոցիդ» եզրը, այն սահմանելով ոչ միայն որպես էթնիկ կամ կրոնական խմբի ֆիզիկական բնաջնջում, այլև նրա ազգային, հոգևոր մշակույթի ոչնչացում: Մշակութային արժեքների կանխամտածված ոչնչացումը որակելով որպես հանցագործություն՝ Լեմկինը պնդում է, որ խմբի կյանքի հիմքի (գենոֆոնդ) ոչնչացման ջանքերն իրենց մեջ ներառում են քաղաքական և սոցիալական մշակույթի, լեզվի, ազգային ինքնության անկում²:

Հատկանշական է. որ Լեմկինը մինչ «գեոցիոլ» եզրի առաջադրումը և որոշ բնորոշումը. հանդես եկավ նաև միջազգային օրենսդրական մի քանի նախագծերով «բարբարոսության» և «վանդալիզմի» դատասյարտման համար: «Բարբարոսությունը» սահմանվում էր հետևյալ կերպ. «ազգային. կրոնական. ռասայական և սոցիալական ընդհանրության կանխամտածված ոչնչացում». իսկ վանդալիզմը՝ «... ընդհանրությունների ուրույն հանճարի դրսևորում հանդիսացող մշակույթի և արվեստի աշխատանքների ոչնչացում»: Ընդ որում. Լեմկինը պնդում էր. որ թե «վանդալիզմը». և թե՝ «բարբարոսությունը» դիտարկվեն որպես միջազգային հանցագործություններ:

Անվանի ցեղասպանագետ. Երուսաղեմի Հովոքոսի և ցեղասպանության ուսումնասիրության ինստիտուտի տնօրեն Իսրայել Հարոնիի կարծիքով մշակութային ցեղասպանությունը կամ «էթնոցիոլ» էթնիկական. ազգային. կրոնական կամ այլ խմբի մշակույթի կանխամտածված ոչնչացումն է և պարտադիր չէ. որ այն ներառի նաև խմբի ֆիզիկական ոչնչացումը⁴:

Հիմք ընդունելով Լեմկինի վերոհիշյալ աշխատությունը՝ ՄԱԿ-ում 1948թ. պատրաստվեց «Ցեղասպանության հանցագործության կանխման և դրա համար պատժի մասին» կոնվենցիան, որի նախնական տարբերակում ընդգրկվեցին ֆիզիկական. կենսաբանական (բիոլոգիական) և մշակութային ցեղասպանություն ձևակերպումները⁵: Նախագծում վերջինիս վերաբերող սահմանումներն էին.

ա) Խմբի երեխաների բռնի տեղափոխումն այլ խմբեր:

բ) Այն մարդկանց բռնի և սխտեմատիկ արտաքսումը. ովքեր ներկայացնում են տվյալ մշակութային խումբը:

գ) Մայրենի լեզվի օգտագործման արգելումը նույնիսկ նեղ շրջանակներում:

դ) Մայրենի լեզվով լույս տեսած գրքերի կամ կրոնական աշխատությունների սխտեմատիկ ոչնչացումը և վերահրատարակելու արգելքը:

ե) Պատմական ու կրոնական հուշարձանների սխտեմատիկ ոչնչացումը կամ դրանց օգտագործումն այլ նպատակով. պատմական. գեղարվեստական, կրոնական արժեք ունեցող փաստաթղթերի կամ կրոնական ծեսերում օգտագործվող առարկաների ոչնչացումը և տարրալուծումը⁶:

Մշակութային գեղասպանությունը բնորոշող և դատապարտող վերոնշյալ սահմանումները թեպետ կոնվենցիայի վերջնական տարբերակում տեղ չգտան, սակայն ժամանակակից միջազգային իրավունքում հաստատագրվեցին որպես միջազգային իրավական պարտավորություններ. որոնք վերաբերում են մշակութային ժառանգության պահպանմանն ու դրանց ոչնչացման համար պատասխանատվության ենթարկելուն⁷: Հիմնական փաստարկն այն էր, որ կոնվենցիան ուղղված է, հենց մարդկային կոտորածների կանխմանն ու պատժին, հետևաբար մշակութային գեղասպանության ներառումը կթուլացներ կոնվենցիայի ուժը որպես լայնախիսի: Միակ ձևակերպումը, որ տեղ գտավ կոնվենցիայի վերջնական տարբերակում և համապատասխանում էր «մշակութային գեղասպանություն» հատվածին, դա խմբի երեխաների՝ որպես տվյալ խմբի մշակութային ժառանգության կրողի, բռնի տեղափոխումն է այլ խմբեր⁸:

Բացարձակ ճշմարտություն է այն, որ մշակութային արժեքների ոչնչացումը երբեք չի կարելի համեմատել ֆիզիկական ոչնչացման կամ մի ամբողջ խմբի բնաջնջման հետ, սակայն պատմությունը ցույց է տալիս, որ մեկն առանց մյուսի երկար գոյատևել չեն կարող: Խմբի մշակութային ժառանգության լիակատար ոչնչացումը կհանգեցնի տվյալ խմբի անհետացմանը մարդկության համընդհանուր հիշողությունից, ինչպես և նրա կենսագործունեության բոլոր հետքերի վերացմանը: Իսկ եթե չկա հիշողություն, ապա մշակութային գեղասպանություն իրագործողների համար տվյալ խմբի գոյության ժխտումը կամ մերժումը առավել քան դուրին կլինի, իսկ գեղասպանությունը կամ բնաջնջումը՝ ամբողջական:

Մեր օրերում մշակութային ժառանգության դեմ ոտնձգությունները կրում են շարունակական բնույթ՝ ուղեկցվելով նորանոր գեղասպանական գործողություններով կամ պատերազմների ժամանակ կիրառվող հանցագործություններով: Բոսնիայում մահմեդական, ուղղափառ հոգևոր հաստատությունների և այլ մշակութային կենտրոնների դեմ իրականացված ոտնձգությունները, Բուդապեշտի արձանի պայթեցումը թալիբների կողմից, ինչպես նաև Նախիջևանում Հին Ջուդայի հայկական գերեզմանոցի՝ պետական մակարդակով իրագործված բարբարոսական ոչնչացումը⁹ վկայում են այն մասին, որ մշակութային գեղասպանությունները դեռ կիլիստելի են և շատ հաճախ

ազգերի «հեղասպանության հանցագործության կանխման և դրա համար պատժի մասին» 1948թ. կոնվենցիայով»¹⁵.

Այսպիսով, մշակութային գեղասպանությունը, որպես կանոն, խմբի ոչնչացման գեղասպան ծրագրի մասն է կազմում՝ ձգտելով ժխտել խմբի յուրաքանչյուր մարդկային կյանքի գոյությունը և այն ենթադրությունը, թե մշակութային գեղասպանությունը տարբերվում է ֆիզիկական բռնություն ենթադրող գեղասպանությունից իրականում բոլորիմացություն և, քանզի մշակութային գեղասպանությունը ցանկացած գեղասպանական գործողության բաղկացուցիչ և կարևոր մասն է:

**SEDA PARSAMYAN
(AGMI)**

**THE ANNIHILATION OF THE CULTURAL HERITAGE AS AN INTERGAL
PART OF GENOCIDE**

Genocide is not only the physical extermination of any religious, racial or ethnic group but also annihilation of group's cultural heritage. Culture is a one of basic characters of group and without it group has small chances to survive. Wipe out culture and it creates ideal condition for the further physical extermination.

The Mankind entered 21st century with consistent desire to prevent any acts of Genocide. Unfortunately, till now we face the acts of physical and cultural Genocides. The evident example of latter is the modern Turkish policy aimed to the complete extermination of Armenian cultural heritage in Turkey. One of the possible solutions here will be the adoption of the UN special convention against the extermination of cultural heritage.

ԾԱՆՈԹԱԳՐՈՒԹՅՈՒՆՆԵՐ

1. Condappa de P., Cultural Genocide in Bosnia-Herzegovina: Destroying Heritage, Destroying Identity, տե՛ս www.mctamedia.stanford.edu/projects/CulturesofContact/admin/download.html?attachid=14883-
2. Lemkin R., Axis Rule in Occupied Europe, Washington, 1944, p. 80-85, տե՛ս <http://www.preventgenocide.org/lemkin/AxisRule1944-1.htm>.
3. Shaw M., What is genocide?, Polity, London, 2007, p. 18.

4. Charny W. I. Classification of Genocide in Multiple Categories, "Encyclopedia of Genocide", vol. 1. Santa Barbara, California. 1999. p. 9.
5. Proti V. L., Ethnocide. Encyclopedia of Genocide and Crimes Against Humanity. Dinah L. Shelton [editor in chief], vol. 1. Thomson Gale. 2005. p. 309.
6. Նույն տեղում, էջ 310:
7. The Final Act of the intergovernmental conference on the protection of cultural property in the event of armed conflict, the Hague, 1954. 2003թ. հոկտեմբերի 17-ին ՅՈՒՆԵՍԿՈ-յի կողմից ընդունվեց Հայտարարություն մշակութային ժառանգության միտումնավոր ոչնչացման վերաբերյալ. The General Conference of the United Nations Educational, Scientific and Cultural Organization meeting in Paris at its thirty-second session in 2003.
8. Fournet C., The Crime of Destruction and the Law of Genocide, UK., Ashgate, 2007, p. 43-46
9. Demoyan H., Azcbaijan: Vandalism as usual, Yerevan, 2006.
10. Հովհաննիսյան Ա., Թուրքիա. մշակութային ցեղասպանություն, Եր., 2005.
11. Թուրքիան 1965թ. ստորագրել է դեռևս 1954թ. Հաագայի կոնվենցիան, որտեղ շեշտը դրված է անկախ ծագումից մշակութային պահպանման կարևորության վրա, և որով Թուրքիան պարտավորվել է պատերազմի ժամանակ պահպանել մշակութային հուշարձանները, իսկ 1969թ. հունվարի 7-ին Թուրքիան ստորագրել է միջազգային մեկ այլ պայմանագիր՝ դարձյալ մշակութային հուշարձանների պահպանման մասին: Տե՛ս Kouymjian D., The Destruction of Armenian Historical Monuments as a Continuation of the Turkish Policy of Genocide, A Crime of Silence the Armenian Genocide, Cambridge, Mass., 1985, p. 176. Թուրքիան ստորագրել է մահ սկզբնական խորհրդի կողմից կնքված 1985թ. հոկտեմբերի 3-ին Գրեմադայում ստորագրված «Եվրոպական ճարտարապետական ժառանգության պահպանության կոնվենցիան», որը թեև Թուրքիան ստորագրեց մեյն թվականին, սակայն նրա Ազգային մեծ ժողովի արտաքին գործոց հանձնաժողովի կողմից վավերացվեց միայն 1988թ. օգոստոսի 1-ին. այդ կոնվենցիայի 3-րդ և 4-րդ հոդվածների համաձայն՝ կողմերը պարտավորվել են միջոցներ ձեռք առնել տվյալ ռեզիդենի հուշարձանների, կառույցների համալիրների և տեսարժան վայրերի պահպանության համար, կանխել պահպանության տակ եղած անշարժ գույքի փչացումը, քայքայումը կամ ոչնչացումը: Տե՛ս «Աճի»-Աճիի պահպանության և ուսումնասիրման միջազգային գիտական կենտրոնի գիտական- հասարակական եռամսյա հանդես, N 1, Եր., 1992, էջ 57-60, նույնի N 2, Եր., 1992, էջ 63:
12. Մեր օրերում հայկական մշակութային հուշարձանների ոչնչացման շարունակելիության մասին է վկայում է հետևյալ իրողությունը. Թուրքիայի պաշտպանության նախարարությունը, որ մինչ այդ անձամբ էր հսկողություն սահմանում Աճիի հուշարձանների նկատմամբ, 2004թ. իր պարտավորությունները հանձնել է մշակութային նախարարությանը՝ պայմանով, որ զինվորները պետք է փոխարինվեն հատուկ քաղաքացիական հսկիչներով: Մշակութային նախարարությունը, սակայն, գործադր կնքելով Կարսում տեղակայված մի կազմակերպության հետ, Աճիի ամբողջ հսկողությունը հանձնում է վերջինին, որի աշխատակիցները մոտակա Օջաքը գյուղի բնակիչներն էին, որոնք էլ օգտվելով

ընձեռնված հնարավորությունից, քանզի և փորել են հնարավոր բոլոր տեղերը՝
գանձեր որոնելու ակնկալիքով: Տես <http://www.virtualani.org/2007/index.htm>

13. Condappa de P., Cultural Genocide in Bosnia- Herzegovina: Destroying Heritage, Destroying Identity.
14. Այսպիսի մի առաջարկով 2001թ. «Թայմզ» թերթում հանդես եկավ անգլիացի լրագրողը, Տես Condappa de P., Cultural Genocide in Bosnia-Herzegovina, տես նույն տեղում:
15. UNESCO and the struggle against ethnocide. Declaration of San Jose <http://unesdoc.unesco.org/images/0004/000499/049951co.pdf>